

## ANEXO IV

## DATOS DOS ALUMNOS PARTICIPANTES

NOME E APELIDOS	DNI	DATA DE NACEMENTO	NACIONALIDADE	PRESENTA MINUSVALIDEZ SI/NON	FAMILIA PROFESIONAL

\_\_\_\_\_ de \_\_\_\_\_ de \_\_\_\_\_  
O/A DIRECTOR/A DO CENTRO

Asdo.:

*Orde do 12 de decembro de 2003 pola que se convocan axudas a alumnos e profesores de centros docentes da Comunidade Autónoma de Galicia, sostidos con fondos públicos, que participen en estadias e intercambios con centros educativos doutros países para favorecer a aprendizaxe activa de linguas.*

A aprendizaxe das linguas estranxeiras é unha das necesidades que máis se manifesta desde tódolos ámbitos sociais. Esta necesidade vai profundamente ligada ó progreso científico e tecnolóxico. As industrias e os especialistas constitúen redes de comunicación que ignoran as fronteiras lingüísticas e nacionais. Así, o aumento das relacións internacionais, a mobilidade laboral e a circulación das ideas e da información están provocando unha forte demanda social en favor da aprendizaxe das linguas estranxeiras, de tal xeito que o número de linguas que os cidadáns dun determinado país dominan constitúe un indicador importante do seu grao de desenvolvemento. Por outra parte, a mellor protección contra tódalas formas de racismo e de xenofobia lógrase mediante o coñecemento e a experiencia directa da realidade doutros países e mediante a mellora das capacidades de comunicación.

Por todo isto, o Comité de Ministros do Consello de Europa advirte dos perigos que poden derivarse da marxinação das persoas que non posúan as competencias necesarias para comunicarse nunha Europa interactiva.

En consecuencia, a necesidade de mobilidade laboral e de acceso á información, así como a importancia da tolerancia e da comprensión mutuas fan das capacidades reais de comunicarse sen fronteiras lingüísticas un elemento indispensable da formación de todo cidadán. Por iso, a Consellería de Educación e Ordenación Universitaria iniciou no curso 1999/2000 un plan de potenciación da aprendizaxe

das linguas estranxeiras nos colexios de educación infantil e primaria e nos institutos de educación secundaria.

A experiencia demostra que a estadia nos países dos que se estudia a lingua constitúe un medio moi eficaz de progreso na adquisición desa lingua e da súa cultura.

Dado que a colaboración con centros educativos doutros países resulta fundamental para facilitalo desenvolvemento de capacidades do alumnado a nivel lingüístico e profesional e que as axudas económicas procedentes de programas da Unión Europea resultan insuficientes para atender a forte demanda dos centros da nosa Comunidade Autónoma, a Consellería de Educación e Ordenación Universitaria convoca axudas para a realización de intercambios e estadias co fin de posibilitar que, tanto os centros de educación primaria como os de educación secundaria e os que imparten ensinanzas de réxime especial, poidan organizar programas de inmersión, máis breves no caso da educación primaria, para que ó longo da súa escolaridade o alumnado chegue a alcanzar un nivel de competencia comunicativa adecuado en varias linguas.

En consecuencia co anteriormente exposto, esta consellería

**DISPÓN:**

Artigo 1º.-Obxecto da convocatoria.

Convócanse axudas dirixidas a alumnos e profesores de centros docentes da Comunidade Autónoma de Galicia, sostidos con fondos públicos, que participen en estadias e intercambios de alumnos con centros educativos doutros países, para a aprendizaxe activa de linguas durante o ano 2004.

As axudas concederanse con cargo á partida orzamentaria 07.04.322T.480.0 por un importe total máximo de 380.528 euros. O gasto que se proxecta

está condicionado á existencia de crédito adecuado e suficiente nos orzamentos do exercicio do ano 2004, en trámite parlamentario.

#### Artigo 2º.-Destinatarios.

1. Poderán solicitar estas axudas os alumnos, agás os de educación infantil, e profesores a través dos centros que se indican: colexios de educación infantil e primaria; colexios de educación primaria; centros públicos integrados; institutos de educación secundaria; escolas oficiais de idiomas; conservatorios de música e danza; escolas de artes, centros privados concertados e centros de educación permanente de adultos.

2. Os solicitantes das axudas de intercambios de profesores reguladas no punto 3 do artigo 3º desta orde deberán estar en situación de servizo activo en centros dependentes da Consellería de Educación e Ordenación Universitaria na actualidade e durante o curso para o que se solicita a actividade así como ter tres anos de antigüidade como funcionario de carreira nos corpos de primaria, de secundaria, de escolas oficiais de idiomas, de profesores de música e artes escénicas, de catedráticos de música e artes escénicas, de profesores de artes plásticas e deseño, de catedráticos de artes plásticas e deseño ou profesores técnicos de formación profesional.

#### Artigo 3º.-Modalidades das axudas.

1. Visitas preparatorias do profesorado responsable da estadia de alumnos no centro receptor doutro país, co obxecto de facilitar os acordos de colaboración entre os centros e a preparación axeitada do proxecto.

2. Visitas de estudo do profesorado responsable de proxectos co fin de garantir a continuidade do mesmo.

3. Intercambios de profesores co obxecto de melloralo coñecemento dunha lingua estranxeira impartindo a materia da súa especialidade. Os solicitantes galegos compartirán, de xeito consecutivo, o seu posto cun docente estranxeiro.

4. Proxectos de aprendizaxe activa de linguas a través de estadias de alumnos en centros educativos estranxeiros, intercambios bilaterais centro a centro ou encontros multilaterais de distintos grupos de alumnos nun país estranxeiro, que teñan como obxectivo o aumento da motivación dos estudantes no que respecta á aprendizaxe dunha lingua estranxeira e á súa utilización como medio de comunicación.

#### Artigo 4º.-Requisitos.

1. Estas actividades deberán estar integradas na programación do curso e ser aprobadas polo consello escolar. O seu obxectivo básico será o intercambio cultural, o achegamento lingüístico e, se é o caso, o perfeccionamento profesional e poderanse solicitar sempre que o centro non teña ningunha axuda concedida para o mesmo proxecto de aprendizaxe de linguas, na acción Comenius 1.2 (proxectos lingüísticos) ou noutras convocatorias similares. No caso de obter dúas axudas para o mesmo proxecto, deberá renunciar a unha delas.

2. As visitas preparatorias e de estudo contarán cunha axuda variable en función do país, e serán realizadas por un só profesor de cada centro educativo. A Dirección Xeral de Formación Profesional e Ensinanzas Especiais poderá autorizar a participación doutro profesor en casos excepcionais e que estean debidamente xustificadas.

3. Os proxectos de aprendizaxe activa de linguas comprenderán as actividades realizadas ó longo do curso, que culminarán na viaxe dos alumnos. As viaxes deberán ter unha duración non inferior a dez días.

4. As axudas máximas por alumno/profesor en concepto de reintegro de gastos de transporte, mantenza e aloxamento en función de se é un intercambio, unha visita preparatoria ou un intercambio de profesores, concederanse de acordo cos baremos que figuran no anexo II.

5. Na valoración das solicitudes daráselles prioridade ós proxectos que contemplan a realización e actividades lectivas conxuntas durante o desenvolvemento do proxecto, así como actividades específicas de aprendizaxe da lingua do país que se visita, a participación no plan experimental de potenciación de linguas estranxeiras nos institutos de educación secundaria, no plan da anticipación da primeira lingua estranxeira en educación infantil e primaria, no plan experimental de *Seccións Europeas*, no programa *That's English*, nas accións *Comenius 1* e *Grundtvig 2* do programa Sócrates así como no programa Leonardo.

6. Os proxectos de aprendizaxe activa de linguas deberán contar cun número mínimo de dez alumnos, que estarán acompañados durante a viaxe e a estadia por un ou dous profesores do centro, podendo chegar a tres se o número de alumnos supera os trinta. Non obstante, a dirección xeral poderá autorizar, en casos excepcionais e debidamente xustificadas, un número inferior de alumnos.

#### Artigo 5º.-Solicitudes.

1. Convócanse tres períodos de presentación de solicitudes: o primeiro no prazo de corenta días hábiles contados a partir do día seguinte á publicación desta orde no *Diario Oficial de Galicia*, o segundo ata o 1 de marzo de 2004, e o terceiro ata o 14 de maio. Reservarase un 40% do importe total das axudas para o primeiro prazo, un 40% para o segundo e un 20% para o terceiro, sendo acumulable o orzamento excedente de cada período para o seguinte.

2. As solicitudes seguirán o modelo establecido no anexo I desta orde e irán acompañadas da documentación que se indica a seguir:

2.1 Axudas para visitas preparatorias e de estudos:

-Orzamento da viaxe e estadia.

-Proposta de proxecto do centro galego, co visto e prace do director.

-Documento de aceptación do centro de acollida.

-Certificación de ter ou non ter subvención ou axuda para a mesma finalidade procedente de calquera outra Administración ou ente público.

## 2.2 Axudas para intercambios de profesores:

-Orzamento do intercambio.

-Proposta de proxecto do centro galego, cun certificado do director de que a actividade está recollida na programación do centro e está autorizada polo consello escolar, que incluírá as actividades a desenvolver no propio centro, así como as que se realizarán no centro receptor.

-Autorización da Inspección Educativa.

-Calendario dos intercambios. Os intercambios deberán realizarse no centro receptor, por parte dos solicitantes, durante períodos non lectivos en Galicia.

-Documento de aceptación do centro receptor.

-Compromiso de suscribir unha póliza de seguros.

-Certificación de ter ou non ter subvención ou axuda para a mesma finalidade procedente de calquera outra Administración ou ente público.

## 2.3. Axudas para viaxes de alumnos para a aprendizaxe de lingua estranxeira:

-Proxecto pedagóxico da viaxe, que incluírá os obxectivos e as actividades de aprendizaxe realizadas durante o curso no propio centro, así como as actividades a realizar no centro receptor. Estas deberán estar relacionadas co traballo desenvolvido polos alumnos durante o curso escolar, do cal que se achegarán mostras acompañando a documentación. As ditas mostras poderanse presentar en soporte fotográfico ou vídeo.

-Certificado do director de que a actividade está recollida na programación do centro e está autorizada polo consello escolar.

-Declaración xurada do director na que se fará consta-la contratación dunha póliza de seguros que cubra o desprazamento e estadía dos alumnos no estranxeiro.

-Autorización do pai, nai ou titor legal para a participación do alumno nesta actividade. A autorización será solicitada polo director e quedará en poder do centro.

-Modalidade de aloxamento e tipo de transporte que se utilizará.

-Calendario da viaxe indicando as datas de saída e chegada do grupo.

-Nome dos profesores acompañantes da viaxe, materias que imparten e situación administrativa que teñan no centro con indicación de ser ou non coordinador do proxecto.

-Listaxes dos alumnos participantes no intercambio, con indicación do seu curso.

-Orzamento detallado dos gastos por conceptos con indicación dos derivados do aloxamento, segundo as modalidades de acollida, do transporte ó país que se visita, así como doutros gastos previstos. Deberase indica-lo custo global por alumno e o custo global por grupo.

-Documento de aceptación do centro receptor.

-Certificación de ter ou non ter subvención ou axuda para a mesma finalidade procedente de calquera outra Administración ou ente público.

## Artigo 6º.-Presentación de solicitudes.

As solicitudes asinadas polo director do centro dirixiranse á Dirección Xeral de Formación Profesional e Ensinanzas Especiais, Consellería de Educación e Ordenación Universitaria (San Caetano s/n, 15771 Santiago de Compostela), presentándose a través do rexistro xeral. Tamén poderán utilizarse para a presentación de solicitudes calquera das dependencias previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro. No caso de que optasen por presenta-la súa solicitude nunha oficina de correos, farano en sobre aberto para que a instancia sexa datada e selada polo funcionario de correos antes de ser certificada.

De acordo co establecido no artigo 71 da citada Lei de réxime xurídico das administracións públicas e do procedemento administrativo común, daquelas solicitudes que non aporten os requisitos sinalados, requirirase ó interesado para que nun prazo de dez días emende as faltas ou xunte os documentos preceptivos; de non o facer considerarase que desistiu da súa petición e arquivarase o expediente.

Artigo 7º.-Comisión de selección e criterios de valoración dos proxectos.

As solicitudes serán avaliadas por unha comisión de selección integrada polos seguintes membros:

Presidenta: a subdirectora xeral de Formación Profesional e Educación de Adultos ou persoa en que delegue.

Vocais: o xefe de Servicio de Educación de Adultos e Xestión Económica, o xefe de Servicio de Formación do Profesorado, o xefe de Servicio de Ordenación e Innovación Educativa e un inspector educativo.

Secretario/a: un/unha funcionario/a da subdirección xeral de Formación Profesional e de Educación de Adultos.

A comisión reunirse en tres ocasións durante o ano e seleccionará os proxectos tendo en conta os seguintes criterios:

a) Non ter recibido esta axuda, para a mesma modalidade, en anteriores convocatorias.

b) A calidade do proxecto pedagóxico e a súa realización co máximo de aproveitamento, así como a metodoloxía empregada.

c) Centros situados en zonas rurais ou desfavorecidas.

d) Ter solicitada e non concedida axuda Comenius 1.2 (proxectos lingüísticos), ou Leonardo para a mesma actividade, sempre que cumpra os requisitos de calidade do proxecto.

e) A acollida familiar como modalidade de aloxamento, no caso dos intercambios de alumnos.

A comisión poderá dispoñer-la constitución dunha subcomisión técnica especializada só para os efectos de colaborar na valoración dos méritos previstos no artigo 7º. Os membros da comisión poderán percibir axudas de custo por asistencias e axudas para gastos de locomoción por concorrer ás sesións conforme o Decreto 144/2001, do 7 de xuño (DOG do 25 de xuño).

A comisión de selección elaborará a proposta de adxudicación de subvencións e elevaraa ó conselleiro de Educación e Ordenación Universitaria, que resolverá o que proceda.

#### Artigo 8º.-Comunicación.

A concesión ou denegación do reintegro seralle notificada directamente ó centro escolar pola Dirección Xeral de Formación Profesional e Ensinanzas Especiais. Contra esta resolución os interesados poderán interpoñer recurso potestativo de reposición perante o conselleiro de Educación e Ordenación Universitaria no prazo dun mes contado a partir do día seguinte ó da recepción da notificación, de acordo co disposto nos artigos 116 e 117 da Lei 30/1992, de réxime xurídico das administracións públicas e do procedemento administrativo común, ou ben directamente o recurso contencioso-administrativo no prazo de dous meses perante o Tribunal Superior de Xustiza de Galicia.

De acordo co establecido no artigo 78.5º do Decreto legislativo 1/1999, do 7 de outubro, polo que se aproba o texto refundido da Lei 11/1992, do 7 de outubro, de réxime financeiro e orzamentario de Galicia, os centros docentes sostidos con fondos públicos considéranse entidades colaboradoras para a entrega e distribución das axudas concedidas ós beneficiarios, debendo someterse ás obrigas recollidas no citado artigo.

As solicitudes entenderanse denegadas de non dicitarse resolución expresa no prazo de seis meses contados desde o día seguinte ó da publicación da convocatoria no *Diario Oficial de Galicia*.

#### Artigo 9º.-Prazos dos pagamentos.

Para as axudas que non superen o importe de 6.000 euros, no momento da concesión poderá acordarse un anticipo de pagamento de ata un 80%, logo de aceptación da subvención. O 20% restante librarase unha vez finalizada e xustificada a actividade. Nas axudas que superen esta cantidade o pagamento realízase integramente unha vez rematada a actividade.

#### Artigo 10º.-Xustificación da actividade.

Logo de efectuada a viaxe, o centro docente, como entidade colaboradora da xestión de axudas públicas, deberá, de acordo co establecido no artigo 15 do Decreto 287/2000, do 21 de novembro, tramita-la seguinte documentación, no prazo máximo dun mes:

1. Certificación do director do centro na que conste que o consello escolar aprobou os gastos efectuados.

2. Xustificación da totalidade do custo da viaxe de acordo cos datos indicados no orzamento inicial e desagregada por conceptos, asinada e selada polo director do centro. As facturas orixinais dos referidos

gastos archivaranse no centro docente para a súa custodia e para a posta en disposición, se é o caso, dos órganos de control que teñan atribuídas as funcións de comprobación e control da aplicación deses fondos.

3. Certificación de ter ou non ter subvención ou axuda para a mesma finalidade procedente de calquera outra Administración ou ente público. O importe da subvención nunca poderá superar illadamente ou en concorrencia con subvencións ou axudas doutras administracións públicas ou doutros entes públicos ou privados, nacionais ou internacionais, o custo da actividade desenvolvida polo beneficiario ou, se é o caso, a porcentaxe máxima do investimento subvencionable que legalmente se estableza. No caso de que o custo final sexa inferior ó inicialmente previsto, deberase devolver-la cantidade proporcional da axuda concedida en relación coa minoración resultante do orzamento.

4. Certificación do director do centro no que se faga consta-lo centro de acollida, as datas exactas da duración da actividade, o nome e curso dos alumnos, se é o caso, e do profesor/es que realizaron a viaxe.

5. Memoria do traballo realizado durante a estada no país de acollida, que deberá ser presentada un mes despois do remate da actividade e que incluírá os seguintes datos:

5.1 Visitas preparatorias e de estudio: obxectivos acadados de cara a realización do proxecto incluíndo un breve resumo deste: descrición, datas de realización etc.

5.2 Intercambios de profesores: programación e avaliación das actividades realizadas no intercambio con descrición das actividades desenvolvidas, métodos utilizados, posibilidades de realización doutras actividades transnacionais e aspectos positivos e negativos que hai que considerar.

5.3 Proxectos de aprendizaxe de linguas, intercambios bilaterais e encontros multilaterais a través de estadas de alumnos en centros educativos estranxeiros:

a) Programación e avaliación das actividades realizadas no intercambio con descrición das actividades desenvolvidas e métodos utilizados.

b) Descrición ou presentación do traballo elaborado.

c) Incidencia do proxecto na mellora das capacidades lingüísticas dos alumnos na lingua estranxeira utilizada.

d) Valoración da estada: aspectos positivos e negativos que se deben mellorar.

Será preciso presentar, acompañada da memoria pedagóxica, un acta asinada polo director do centro escolar, especificando o nome do proxecto, listado dos profesores, así como os seus DNI e o papel desenvolvido nel, co obxecto de expedir-la certificación especificada no artigo duodécimo. O modelo da acta atópase na seguinte páxina Web: <http://www.edu.xunta.es>

Os proxectos e traballos realizados polos centros seleccionados quedarán en poder da Dirección Xeral de Formación Profesional e Ensinanzas Especiais, que reserva para si o dereito de difundir os traballos realizados en función da súa orixinalidade e pasando a formar parte dos fondos documentais da Consellería de Educación e Ordenación Universitaria.

Artigo 11º.-Modificación da resolución de concesión das axudas.

A non xustificación da axuda percibida conforme o disposto nesta orde, levará consigo o reintegro das cantidades non xustificadas de acordo co establecido nos artigos 19 e 20 do Decreto 287/2000, do 21 de novembro, polo que se desenvolve o réxime de axudas públicas da Comunidade Autónoma de Galicia.

Calquera alteración das condicións tidas en conta para a concesión das axudas e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución da concesión.

Artigo 12º.-Recoñecemento das actividades realizadas.

1. As actividades de intercambio terán a consideración de actividade de formación permanente ó abeiro do punto 28.1º da Orde do 3 de outubro de 2001 (DOG do 10 de setembro) pola que se regula

a convocatoria, recoñecemento, certificación e rexistro das actividades de formación permanente do profesorado e se establecen as equivalencias das actividades de investigacións e das titulacións. A Dirección Xeral de Formación Profesional e Ensinanzas Especiais expedirá a certificación correspondente ó profesorado participante unha vez presentada a memoria correspondente e recibido o informe favorable.

2. A valoración en horas de formación será a seguinte:

-Funcións de coordinación do intercambio: ata 50 horas.

-Funcións de colaboración no intercambio: ata 35 horas .

### Disposicións derradeiras

Primeira.-Autorízase a directora xeral de Formación Profesional e Ensinanzas Especiais para dicitalas disposicións necesarias no desenvolvemento desta orde.

Segunda.-Esta orde entrará en vigor o día seguinte ó da súa publicación no DOG.

Santiago de Compostela, 12 de decembro de 2003.

Celso Currás Fernández

Conselleiro de Educación e Ordenación Universitaria

ANEXO I



XUNTA DE GALICIA  
CONSELLERÍA DE EDUCACIÓN  
E ORDENACIÓN UNIVERSITARIA

PROCEDIMENTO <b>AXUDAS PARA A APRENDIZAXE ACTIVA DE LINGUAS EN COLABORACIÓN CON CENTROS DOUTROS PAÍSES</b>	DOCUMENTO <b>ED309G</b>	DOCUMENTO <b>SOLICITUDE</b>
<input type="checkbox"/> VISITAS PREPARATORIAS <input type="checkbox"/> VISITAS DE ESTUDIO <input type="checkbox"/> INTERCAMBIO OU ENCONTRO DE ALUMNOS <input type="checkbox"/> INTERCAMBIO DE PROFESORES		
TÍTULO DO PROXECTO		
<b>DATOS DO CENTRO DOCENTE</b>		
CENTRO	NIF	
ENDERZO	CODIGO POSTAL	
CONCELLO	PROVINCIA	TELEFONO FAX
TELEFAX	NIVEL EDUCATIVO	E-MAIL
NOME DO(A) DIRECTOR(A)		
NOME DA PERSO(A) QUE PARTICIPA NA VIAXE		
NÚMERO DE ALUMNOS	NÚMERO DE PROFESORES	DATA DE INICIO E REMATE
CÓDIGO DA CONTA CORRENTE DO CENTRO		
ENTIDADE	SUCURSAL	NÚMERO DE CONTA
<b>DATOS DO CENTRO ESTRANXEIRO</b>		
CENTRO		
ENDERZO		
PAIS	E-MAIL	NIVEL EDUCATIVO DO ALUMNOS
TELEFONO	TELEFAX	NOME DA PERSO(A) RESPONSABLE DO PROXECTO
<b>NO CASO DE EFECTUO-LO INTERCAMBIO DE ALUMNOS XUNTO CON OUTRO CENTRO INDIQUE O NOME DESTA</b>		
CENTRO	POBLACIÓN	
LEGISLACIÓN APLICABLE <i>Orde do 12 de decembro de 2003 pola que se convocan axudas a alumnos e profesores de centros públicos docentes da Comunidade Autónoma de Galicia sostidos con fondos públicos, que participen en estadias e intercambios con centros educativos doutros países para favorecer a aprendizaxe activa de linguas.</i>		
SIGNATURA DO DIRECTOR DO CENTRO		de 2003
Directora xeral de Formación Profesional e Ensinanzas Especiais		
(Para cubrir pola Administración) RECIBIDO _____ REVISANDO E CONFIRMAE _____		
NÚMERO DE EXPEDIENTE	DATA DE ENTRADA	DATA DE EFECTOS
	/ /	/ /
	DATA DE SALIDA	
	/ /	

**ANEXO II**

**Baremos económicos  
Intercambios lingüísticos**

Distancia en km	Países	Importe máximo por alumno	Importe máximo por profesor
Ata 1.000 km	Portugal	140 euros	400 euros
De 1.000 a 3.000 km	Francia	250 euros	435 euros
De 3.000 a 6.000 km	Italia, Reino Unido, Alemaña, Países Baixos	325 euros	505 euros
De 3.000 a 6.000 km	Dinamarca, Irlanda, República Checa	380 euros	560 euros
De 6.000 a 8.000 km	Grecia, Romanía, Suecia, Finlandia	400 euros	580 euros
Máis de 10.000 km	EEUU Canadá	470 euros	650 euros

**Intercambios de profesores**

Distancia en km	Países	Importe máximo
Menos de 500	Portugal	550 euros
De 500 a 3.000	Francia	775 euros
De 3.000 a 6.000	Reino Unido, Italia, Países Baixos, Alemaña, Bélxica	925 euros
De 3.000 a 6.000	Dinamarca, Rep. Checa, Irlanda, Hungría	975 euros
De 6.000 a 8.000	Suecia, Finlandia	1.075 euros
	Grecia, Europa Oriental	1.025 euros
Máis de 8.000	USA, Canadá, etc.	1.375 euros

**Visitas preparatorias/visitas de estudio**

Países	Importe máximo
Portugal	450 euros
Francia	750 euros
Reino Unido, Italia, Países Baixos, Alemaña, Bélxica	900 euros

Países	Importe máximo
Dinamarca, Rep. Checa, Irlanda, Hungría	950 euros
Suecia, Noruega, Finlandia, Grecia, Romanía, Malta	1.050 euros
Otros Países	1.350 euros

*Orde do 15 de decembro de 2003 pola que se publica a resolución das bolsas de nova adxudicación para a realización de estudos de terceiro ciclo nas universidades do Sistema Universitario de Galicia, convocadas pola Orde do 11 de xullo de 2003 (Diario Oficial de Galicia do 17 de xullo).*

Pola Orde do 11 de xullo de 2003 (DOG do 17 de xullo) convocáronse bolsas de nova adxudicación para a realización de estudos de terceiro ciclo nas universidades do Sistema Universitario de Galicia.

Na súa virtude, de acordo co establecido nas bases da convocatoria, e atendendo ó informe-proposta elevado pola comisión avaliadora a través do director xeral de Universidades, esta consellería

**RESOLVE:**

Primeiro.-Que se publique a resolución pola que se lles concede unha bolsa de nova adxudicación para a realización de estudos de terceiro ciclo ós 37 solicitantes para estudos de ciencias experimentais e da saúde con nota media por desviación típica igual ou superior a 3,430. Estes bolseiros son:

NÚM. EXPED.	SOLICITANTE	DNI/NIF	UNIV. ONDE SE TITULOU	TITULACIÓN	ÁREA	UNIV. ONDE FAI 3º CICLO	NOTA MEDIA EXP. PERSOAL	MEDIA TITULACIÓN ÚLTIMOS 3 ANOS	DESVIACIÓN TÍPICA	MEDIA POR DESVIACIÓN TÍPICA
2003/000137-0	OCAMPO PRADO, NOELIA	33346649F	USC	LIC. EN QUIMICA	CIENCIAS EXPERIMENTAIS E DA SAUDE	USC	3,165	1,769	0,176	7,932
2003/000121-0	FERNANDEZ FERNANDEZ, FCO. JAVIER	33347363P	USC	LIC. EN MATEMATICAS	CIENCIAS EXPERIMENTAIS E DA SAUDE	USC	2,809	1,357	0,219	6,630
2003/000449-0	RAÑA DIEZ, PABLO	44809940Y	USC	LIC. EN FARMACIA	CIENCIAS EXPERIMENTAIS E DA SAUDE	USC	3,745	1,225	0,382	6,597
2003/000061-0	CANOURA FERNANDEZ, FELIPE	34635601Q	USC	LIC. EN FISICA	CIENCIAS EXPERIMENTAIS E DA SAUDE	USC	3,266	1,129	0,327	6,535
2003/000196-0	ALDEGUNDE RODRIGUEZ, MARIA JOSE	44832988P	USC	LIC. EN QUIMICA	CIENCIAS EXPERIMENTAIS E DA SAUDE	USC	3,572	1,384	0,337	6,493
2003/000084-0	GARCIA LAGE, LAURA	33350137E	USC	LIC. EN MATEMATICAS	CIENCIAS EXPERIMENTAIS E DA SAUDE	USC	2,776	1,357	0,219	6,479
2003/000425-0	BLANCO PENEDO, Mª ISABEL	36126094V	USC	LIC. EN VETERINARIA	CIENCIAS EXPERIMENTAIS E DA SAUDE	USC	2,533	1,005	0,243	6,288
2003/000446-0	AREAN FRAGA, DANIEL	44820443K	USC	LIC. EN FISICA	CIENCIAS EXPERIMENTAIS E DA SAUDE	USC	3,185	1,129	0,327	6,287
2003/000453-0	GAYOSO COUCE, LUCIA	44829735K	USC	LIC. EN QUIMICA	CIENCIAS EXPERIMENTAIS E DA SAUDE	USC	3,498	1,384	0,337	6,273
2003/000304-0	LOPEZ PAZOS, PAULA	44834947N	USC	LIC. EN ODONTOLOXIA	CIENCIAS EXPERIMENTAIS E DA SAUDE	USC	3,017	1,504	0,253	5,980
2003/000186-0	PARAJES CASTRO, SILVIA	53176338Q	USC	LIC. EN FARMACIA	CIENCIAS EXPERIMENTAIS E DA SAUDE	USC	3,475	1,225	0,382	5,890
2003/000142-0	CORTES AYASO, ALEXANDRE ANDRE	52935925E	USC	LIC. EN MATEMATICAS	CIENCIAS EXPERIMENTAIS E DA SAUDE	USC	2,622	1,357	0,219	5,776
2003/000141-0	ROMERO BERNARDEZ, MANUEL	44829505K	USC	LIC. EN BIOLOXIA	CIENCIAS EXPERIMENTAIS E DA SAUDE	USC	3,065	1,457	0,286	5,622
2003/000100-0	DIAZ DIAZ, JOSE	33351731Y	USC	LIC. EN MATEMATICAS	CIENCIAS EXPERIMENTAIS E DA SAUDE	USC	2,572	1,357	0,219	5,548